

不

處

不

忘

序

國何由乎立。立於知恥。孔子曰。知恥近乎勇。詩曰。人而無恥。何不遄死。則恥也者。不特可以覘勇怯。且生死之所繫已。雖然。吾聞諸君子曰。哀莫大於心死。一身之死。或作以禪。千秋心死。則罔矣。心何以不死。曰。知恥耳。吾祖吾宗。奠此邦國。聖人哲士。作爲紀綱。曰。戎狄是膺。荆舒是懲。曰。變夷用夏。未聞變夏。曰。豈曰無衣。與之同仇。凡所詔告吾民者。綦詳。吾民秉此亮德保障華夏。迄今數千年。其間獯豸寇周。吉甫振武。匈奴窺漢。衛霍申刑。五胡驕入。李唐擐戈。以興石晉。稱臣趙宋。執鞭而起。降及近史。于少保。智降西北。威靖東南。朱明中世。雖孱不屈。自建州入主。統攝九州。社稷凌夷。道義不沒。揮戈叱日。不絕聲聞。武漢夜呼。遂還故物。統覽千載。所賴屢蹶屢起。終有今日者。罔不資自先哲。則知恥之爲國寶審矣。然百年以來。巖疆日蹙。人爲刀俎。我爲魚肉。廣州一役而後。四疆甌脫。萬里烽騰。積威所乘。遂撓奇辱。是豈先哲昭訓。百世而獨遺。吾於今日。哉。吳庭之呼。不應。榜李之怨。不復。越薪之臥。不誠。會稽



不

忘

序

二

之恨不解民不知恥如他人何不特此之爲然也今內變蠡作禍至無日劇秦美新之士鷗張未休履堯踐舜之豪狼顧無已外寇日張內蠹朋作阡危國命不亡而亡揆厥原始罔非吾罪昔管蔡誅而姬社存譚尙闕而袁氏裂內憂不緝民之大恥吾民所惕又豈僅四郊多故已哉嗚呼詩曰及今之未雨綢繆牖戶又曰相彼雨雪先集惟轂苟吾民今而猶惘惘焉則亦終此惘惘焉矣民國四年九月東江葉葉序



不

忘

第一章 鴉片之戰

一 戰事之原因

清雍正時。布鴉片吸食禁綦嚴。民間犯之者亦少。嗚呼。誰令吾喪師辱國貽病夫之誚者乎。爲厲階者實爲英之東印度公司。

東印度公司者。以金錢的魔力。夷滅印度者也。彼以金錢魔力。先驅葡法兩國在印度之商業權於域外。繼復以借貸政策。握印度沿海之主權。嗣是遂廢莫蛾而帝而移公司之政權於英政府。（借款之殷鑒如此。吾國前歲二千六百萬鎊之大借款。今已消耗殆盡。而銀行團之勢力且與東印度公司後先頡頏。可不懼哉。）英政府德之。遂許東印度公司以壟斷中國貿易之權。而鴉片出產地。爲印度之孟加拉。該公司既得此壟斷之權。鴉片之輸入益增。吾國民之吸食者亦日盛。至嘉慶時下令嚴禁。然禁者自禁。運者自運。英商設屯船於廣州灣一帶。粵省奸商以快蟹（船名狀似內河水師之砲船）砲艇包銷走漏。分布各地。官吏哨兵等得賄賂後。視若不



見聽若不聞。而鴉片之銷路益暢。於是鴉片潮流與日俱進。至道光十四年爲東印度公司壟斷貿易最後期。英政府知鴉片爲大利之所在。欲擴張其貿易。特派監督官律勞卑駐廣東。請推廣商港。時爲兩廣總督者爲盧坤。因其來書用平等式。不合中國接待四夷體制。奏停與英貿易。（中國昔日官吏不嫻外交。每於文字上貽譏世界。不僅一盧坤也。）發兵防海口以拒英人。律勞卑性甚陰狠。偵知虎門（廣東東莞南）黃埔無備（廣東順德東南）潛師襲吾。遂爲所破。幸律勞卑疾作。且孤入無援。捲旗而去。此已爲吾國莫大之恥辱矣。孰知盧坤僞稱英人悔罪退師。已入澳門。以爲己功。更請仍許英人貿易。請廷許之。嗚呼。戰則無備。退則要功。有臣如此。吾國欲不爲外人所侮得耶。

律勞卑既去。未幾病死。羅賓孫繼之。羅賓孫尤陰悍。窺測大勢。知欲己國商業之發達。必先奪得一根據地。廣州灣外頗多島嶼。乃密稟英政府謀奪珠江口外一島。以爲根據。事未行而英廢貿易監督。以義律爲領事。以代之。義律者。鴉片戰爭之原動。

力亦卽製造吾國恥之原動力也。時清廷命林則徐爲欽差大臣赴廣東專任禁煙事。林爲福建侯官人。讀書通大義。卽世所稱林文忠公者也。自林公至粵而戰釁開矣。

二 廣州之劇戰

林公初赴廣東。其目的所在。爲禁絕英商之販運鴉片。然不張以兵威。恐終不得達其目的。乃親圍英領事義律之館門。勒令呈繳鴉片二萬餘箱。義律唯唯奉命。林公卽會同兩廣總督鄧廷楨。在虎門海灘高處。監視銷燬。各國士商之袖手於旁者。皆深服林公之辦事精細。或作文以頌之。義律既被逐於澳門。率英商五十七家渡海。乃招兵船二艘來粵。又藏器械於貨船中。突攻我九龍山駐紮之水師。水師參將擊退之。林公奏聞政府。政府有不患諸臣孟浪。特患過於畏葸之諭。而禁絕英商貿易之令。至是乃公布。兵燹既開。林公籌兵籌餉。籌戰籌守。增改營額。以香山大鵬爲左右翼。建築礮臺。以尖沙嘴官涌爲咽喉地。創造木排鐵練。橫斷於虎門海口。凡廣東

水師所轄洋面四百餘里。爲西洋船舶之往來孔道者。無不節節防堵。聯絡一氣。又以重價購大礮二百尊。排列於橫牆兩岸。密遣人偵探敵國情形。知英女主方以全力謀吞印度。不欲開釁於我國。故其來華之兵力不甚厚。又聘請熟諳英文者。翻譯各種新聞紙。知英人大畏沿海梟徒及漁船蟹戶之襲擊。乃招募丁壯五千人。獎以義勇之名。親赴師子洋校閱水師。明申號令。嚴定賞罰。兵士亦演習純熟。勇氣百倍。以待戰。

英將伯麥率兵艦十餘艘。及印度駐防兵艦二十餘艘。或泊金星門口。或泊老萬山外。逡巡不敢進。（鴉片貿易英國之有知識者亦以此爲不名譽之貿易。英政府迫於衆論。命義律不得以軍艦駛入浙江。召中政府之猜忌。）其舢板小船。屢被火船所焚燬。英兵又死傷無數。伯麥留粵旬月。無關可襲。無城可奪。無港可扼。無口可入。戰則不能必勝。退則恐受國譴。而伯麥之伎兩幾窮。然則戰事將從此已乎。果能從此罷戰。香港可不割煙費可不償矣。

伯麥以廣東有林公。不可勝鄰省。則有隙可乘。知浙江大吏之畏。憚不決。遂巧用其聲。東擊西之計。而浙江之沿海各口。首遭其蹂躪。

三 琦善伊里布之誤國

舟山羣島者。浙江沿海之門戶也。道光二十年。英兵陷之。其兵艦復竄赴各口。有駛至餘姚縣者。膠沙不能行。鄉勇聚而攻之。擒一英女。詢之。知爲英王第三女也。（當時浙省官吏若能用和平之手段。以羈縻之。假以禮貌。使不失其王女之貴重。而後要挾議和。則我國主權。或不至十分之損失。）未幾而甯波被圍。浙省東部戒嚴。督撫欲自諉其罪。乃歸咎於林公。交章劾之。政府褫林公兩廣總督之職。林公身受重譴。未忘君國。猶有帶罪立功之請。且言各國商船。憤貿易爲英人所阻礙。咸欲回國。各調兵船。助我攻英。此以敵攻敵之上策也。奏入。不省。政府命伊里布代之。時綿璉爲大將軍。率兵五萬。赴廣東。然綿璉伊里布皆無將才。軍容雖盛。徒足爲外人笑耳。時英亦遣使至京師。請還王女。願悉歸浙東侵地。要求條款。凡六一還償貨價。二開

放廣州。廈門。福州。定海。上海。爲商埠。三兩國交際用平等禮。四賠償軍費。五不得以英船夾帶鴉片。累及居留英商。六盡裁洋商浮費。直隸總督琦善以聞。時天津道陳請以鴉片貿易書先決問題。伊里布專事媚外。私返王女。遣張喜赴英艦餽牛酒。並謝以政府之重處林公。英將伯麥對曰。林公自是中國好總督。有血性。有才氣。但不悉外國情形耳。遂要求償軍費。開商埠。弛煙禁。減稅。則諸款伊里布允之。

後經鄧廷楨力爭。政府又赫然震怒。有煙價一毫不許。土地一寸不給之諭。時東印度鎮將璞鼎查特奉女王命。以三萬二千人至澳門。英軍大振。遂廢停戰之約。再犯廣東。

時橫擔虎門鎮遠威遠靖遠各礮臺。提督關天培等。每處僅以數百兵守之。赴省密請增兵。時琦善督兩廣。聞警大驚。卽時移書義律。重申前約。於煙價外許開放廣州。割讓香港。義律亦許還定海。草約甫定。宣宗得英人進軍報。再下宣戰諭。遣奕山楊芳等赴廣東。琦善益狼狽。乃飾美女列珍珠以宴義律。義律知中變。遂與伯麥復攻

不

忘

虎門時各國商船雲集港外。皆不直英人所爲。於是美法兩國出而調停。政府不從。戰端遂啓。迨二十一年二月。英兵乘風連奪橫擔虎門礮臺。提督關天培死焉。適湖南初到援兵。倉卒禦之。提督祥福又死焉。廣東門戶大開。敵人深入堂奧。實琦善自撤藩籬。非敵人之勇於進攻也。三元里鄉勇憤英兵淫暴。突集十萬義民。截敵人歸路。殲其帥伯麥霞畢。而義律亦被重圍。知府余保純保護義律出圍。義律偵知廣東民氣難犯。內河團勇皆善戰。飲恨不敢報復。遂移兵於福建之廈門。浙江之甯波。而奕山等朦朧詞會奏。謂英人照求通商。其心無他。今已他去。政府遂不爲備。

四 浙江之失陷

敵入廈門。不守而退。卽全隊駛赴浙江。將寇定海。總兵葛雲飛守焉。雲飛係久歷戎行之健將。初以增城列礮兩大策。上書於裕謙。不果行。廈門之敗耗聞。再上書言增礮備船事。又不果行。及英艦二十九艘抵東港浦。我兵僅四千耳。飛書至大營告急。請迅速濟師。裕謙諭之曰。爾毋望援兵至矣。但死守弗與戰可耳。（定海孤懸海中。

不

忘

何險之可守。卽以全省之兵力保護之。尙不免有不測之禍。裕謙之諡言。可謂奇絕。定海失守。鎮海甯波繼之。葛雲飛戰死。王錫朋鄭國鴻繼之。三總兵死。而同知韋逢甲等又殉戰於乍浦矣。乍浦之戰。我兵發礮十不中一。敵人僅以一艦迫碎礮臺。蓋死礮攻活艦。已犯兵家之忌。况我兵臨敵怕死之現象。安得不見敗於臨敵敢死之英人。浙東之戰事方急。而江蘇又爲敵兵侵略之所及。

五 江蘇之失陷

江蘇平原沃野。河流縱橫。與浙江接壤。英兵若棄甯波而北航。可由運河窺鎮江。渡揚子江而直犯江甯。若棄乍浦而北駛。可由吳淞江窺上海。沿東海而折入江甯。然當宗室大學士奕經等奉命赴浙之始。果能善用宿遷舉人臧紆青之言。令浙江京官保舉地方紳士。率領鄉勇分伏於甯波諸城。爲城中內應。招集山東河南江淮之士勇。及漁鹽船戶等於沿海各口。擾亂其艦隊。並調川陝河南新兵攻擊於中央。以斷絕其歸路。迨尅復諸城。浙東平靖。始力籌善後之策。或守或戰。均能阻其北擾江

不

忘

蘇之計。抑其貪索驕橫之心。惜奕山等貪功急進。布置未周。倉皇嘗試。分伏散戰之法。仍變爲排陣對戰之舉。轉勝爲敗。轉安爲危。江蘇不能安枕者。微奕山將誰咎。英人之北窺江蘇也。有導英人遊寧波。范氏天一閣。得我國一統志等書。又以重價購長江黃河兩流域地圖。遂日夜兼造小蟹船數十號。預備駛用於淺河之中。更利誘我軍所裁撤之水勇。爲進行之鄉導。是吳淞江一役。英人已手操勝算矣。時江南提督陳化成與江督牛鑑扼守吳淞。以東西兩礮臺爲犄角。化成先約牛鑑坐鎮弗輕出。乃登臺揮戰。擊沈英艦四艘。英軍氣阻欲退矣。牛鑑不守約言。聞勝趨出。未及三里。敵艦駕礮擊之。牛鑑返身遁走。我軍因之而潰。陳化成被害。吳淞陷焉。

牛鑑既敗。不退守鎮江。而急走江甯。於是鎮江復陷。鎮江依北固山爲城。以運河爲濠。形勢甚險固。英人必先犯鎮江者。蓋是時英國方經營印度之殖民地。兵費浩大。勢不能與中國久事戰爭。其希望和議之成。日亟一日。鎮江（運河所經東南糧漕實以此爲要地）爲漕運之要道。彼將扼我財政之咽喉。以重困我。庶和議能速成。

也。鎮江失守。大快敵心。乃乘勝向東南行。兵抵燕子磯。距江甯僅三十里耳。政府深以漕運爲念。諭令耆英便宜從事。復用伊里布及牛鑑等爲全權大臣。訂南京條約。

六 和約

條約既定。英艦發砲二十一聲。懸兩國國旗以賀。此非吾民之奇辱耶。今列其要項於左。

(一) 清英兩國將來當維持和平。

(二) 清政府向英政府納軍費一千二百萬圓。商欠三百萬元鴉片賠償六百萬元。共二千一百萬元。限西歷千八百四十五年(民國前七十五年)歲末清付。

(三) 開廣州。厦門。福州。上海。寧波。五港。許英人通商及居住。

(四) 以香港之主權讓與英政府。

(五) 放還英俘。

(六)戰役中爲英軍服役之華人一律免罪。

(七)將來兩國往復之文書用平行款式。

(八)條約得清帝批准償金交付六百萬圓以後英將軍當時所佔領之長江沿岸等地撤兵。

此爲吾國外交上第一次之恥辱。及今試過倫敦博物院尙可見當時英軍所攜去之鴉片煙具陳列於室以供外人之訕笑焉。

第二章 同盟軍之役

一 同盟軍之結合

鴉片之戰三元里義民抒其義憤致果殺敵後爲不肖官吏却釋義律去和義雖成。嫌隙未滅逮廣州開埠領事官既設因合詞訴請勿許英人入城並大興民團以全力相抵制與英商齟齬日甚英商患之求香港總督文翰移書粵督徐廣縉更定廣東通商條約粵人要以嚴禁入城爲交換條件文翰知粵民強毅逆吾且不利於通

商。乃簽定新約。是則吾民氣可用之鐵證也。

徐廣縉解粵督印。繼之者爲葉名琛。名琛書生。好大言。喜自負。而不悉敵情。既繼任粵督。凡遇交涉事。馭外人如隸屬。顧其性庸鶩。既不能以外交勝人。又不脩備武。是時港督爲包冷。性剛愎。與名琛掎。遂積不相能。釁隙之啓。已在朝夕。而廣東英領事又易以巴夏禮。巴尤負氣。執入城事力爭不得。思搆釁而無其名。適粵有亞羅船案。星星之火。於是遂假之以燎原。

亞羅船者。英商假諸中國。而懸以英旗者也。船中駕駛者凡十二人。俱中國籍。由廈門至廣州。巡河水師千總見之。以彼駕駛者皆爲洪楊黨類。遂登艇大索。拔其國旗。投諸甲板。各國之尊視國旗。較其君長爲尤甚。凡辱及彼國旗者。其仇不啻戴天。日以捕縛其駕駛者。故英人大憤。嚴辭詰名琛。名琛置不問。僅以所捕縛之十三人。繫送英領事署。巴禮夏拒不受。而戰事起矣。

事既決裂。名琛復不爲戰備。有人詰之者。輒笑曰。夷何足畏。彼所恃者砲火耳。以婦

不

忘

人機事拒之。已作頌金湯之固。復何畏哉。其愚如此。羞吾國體甚矣。既英軍礮擊省城。陷之名琛倉皇失措。議出降。而英軍猝退。英軍之退。非愛吾也。此次進攻。未得政府令。而後援無繼。又懼爲曩義律被圍之續。故不得不去耳。粵民憤大官畏寇。城隍毀破。激爲暴動。凡爲洋樓悉焚燬之。美法各商館。遂波及於難。當時國民恒味於國際公法。致自陷於衆敵決藩潰堤後之人宜猛省哉。英人則大喜。遂聯合俄法。美說以合縱之利。共圖北侵。聯軍之禍。於是乎成。法教士在內地設立基督教堂。內地人民未明信教。自由公例羣起反對。戕殺法教士。又有美國軍艦駛行海口。誤爲吾國砲台所擊。美卽襲奪砲台以報之。時法美兩國均遣使責問。政府遷延不決。而廣焚燬商之事。又起。英遂假手於人而售其聯合之計。當鴉片之戰。英國以孤立作戰。妨及各國商業。頗爲各國所掣肘。故此次轉而謀此逮聯合之議。成。英遂不復有所忌憚。協而謀我矣。

二 天津之草約

戰事之起也。英使額而金貽書名琛。要求重訂新約。名琛斥其謬妄。置不覆。法美領事亦以毀屋失財。移書誚責。且言苟可償還損失。願爲調人。則此時未始無轉圜之法也。名琛昏庸。謂法美將比周以脅吾。亦置不覆。且不設備。同盟軍遂迫廣州。貽名琛最後書。名琛又不覆。同盟軍遂陷廣州。虜名琛。去囚諸荒島。名琛猶吟咏不輟焉。嗚呼。書生悞事。罪固不容誅。而吾民之蒙恥亦甚矣。

廣州既破。四國使臣各携新要求之條款。率艦隊北行。集白河口。謁直督譚廷襄。與議。廷襄以聞。清文宗命崇綸。烏爾棍。泰會。廷襄議款。英人以非相臣。不願開議。復以舟師闖入大沽口。踞南北兩礮台。（此舉英人先已以小汽船探測口外沙線水量。可知一國地塗所在防之宜慎。不然大沽天險。豈易飛渡而過。今日人遍吾內地。凡遊踪所至。無不携測量器具。甚且彼所測繪之南滿東蒙之地圖。明確逾吾所有者十倍。是豈非他日之大患耶。）京師戒嚴。清廷當日方顧南方。洪楊不暇。遂本其竊媚外人。毋縱家賊之故智。遣大學士桂良。吏部尙書。花沙訥。赴天津議款。（當時有